



"Unua Vorto" – Internacia festivalo de infana kinokreado (Moskvo, majo 2013).

Komunikaĵo fare de la organizantoj

La 24-n – 26-n de majo 2013 en Moskvo, Rusio okazos Unua Internacia festivalo de infana kinokreado "Unua Vorto". Partoprenantoj de la festivalo estas geknaboj en aĝo de 7 ĝis 18 jaroj el diversaj landoj de la mondo – Rusio, Germanio, Italio, Hispanio, Francio, Pollando, Britio, Usono, Israelo, Ukrainio kaj aliaj. Por partopreni necesas krei mallongan filmon (de 5 ĝis 20 minutoj), kiu temu pri familio kaj rilatoj inter gepatroj kaj gefiloj, kaj plenigi aliĝpeton en retejo <http://1slovo.com/eng/>

Partopreno en la Festivalo estas unika eblo demonstri sin, aŭdi opinion de ekspertoj pri sia laboro, partopreni modellecionojn kaj gajni valorajn premiojn. Ĉefa premio por la plej bona filmo estas \$2000.

Aliĝpetoj estas akceptataj ĝis la fino de marto 2013.

Mi kunlaboras kun la organizantoj de la festivalo kaj serĉas Esperantistojn, kiuj pretas hepli en serĉado de potencialaj partoprenantoj – studioj, rondetoj kaj aliaj infanaj organizoj, kiuj okupiĝas pri filma kreado. Necesos trovi tiaspecajn organizojn, komuniki al ili informon pri la festivalo kaj, okaze de ilia intereso, hepli en partoprenado; ekzemple, traduki prezentitajn filmojn uzante Esperanton kiel pontolingvon. Krom la landoj, menciitaj en la komunikaĵo, la organizantojn speciale interesas ankaŭ Ĉinio kaj Japanio; kompreneble, oni povas proponi partoprenantojn el aliaj landoj.

La festivalo promesas esti sufiĉe rimarkinda aranĝo; oni jam planas lokan reklaman kampanjon por ĝi. Okaze de sukceso de la proponata iniciato eblos listigi Esperantistojn (precipe UEA, kies reprezentanto jam promesis helpi) kiel informajn partnerojn de la festivalo. La organizantoj volonte faros tion.

Se vi volas partopreni ĉi tiun iniciaton, bv. kontakti min laŭ adreso [kirill.shvedov\(heliko\)gmail.com](mailto:kirill.shvedov(heliko)gmail.com) por interkonsenti detalojn de la laboro.